

疊

雅

# 自序

自爾雅一書列於學宮如漢孔鮒之小爾雅魏張揖之廣雅  
宋陸佃之埤雅明朱謀埠之駢雅我朝方以智吳玉搢之  
通雅別雅接踵而起雖其著書之意各有所主要皆爾雅之  
支流學海之津筏也惟是形容之妙每用重言名物之稱尤  
多複字爾雅廣雅釋訓中雖或及之然止寥寥數則未克詳  
備他若升菴輯複字不免臆造之嫌密之詁重言止明通轉  
之義索其於經史子集及諸家注疏之用疊字者廣爲搜羅  
詳加疏證至今未見專書豈非菽林一大歉哉余抱甕之暇  
流覽往籍輯成疊雅十三卷竊附於諸雅之後諸雅所已載

者旁搜以參其異同諸雅所未及者博採以考其源委字異而義同則彙歸一部文同而解異則別立一條或音義相通彼此錯見則別其字如別雅之別通其義如通雅之通特以見聞固陋挂漏良多世之博雅君子如肯增而廣之匡其不逮其卽以此爲革路之先驅也可

同治甲子仲秋之月竹素園丁史夢蘭香厓氏自識於靜怡軒

凡例

爾雅分十九類廣雅因之至埤雅駢雅通雅遂分合增損各自爲例別雅則暗以韻分而不標韻目從其省也是書鱗次編輯例仿爾雅不復顯分門類亦猶別雅之志耳

郭璞註爾雅每有疑義輒云未詳蓋以後人註古人之書或古籍云亡無從徵引遂不能得其指歸而強作解事者又不免傳會穿鑿之病茲編自爲疏證詳列書名冀有舛謬挂漏之處便於改補

古人用字不拘如本書作某某書引作某某之類字則異而義則同抑或音義不同久經借用如某某作某某之類亦

不得概以陶陰鳥焉斥之故聊加案語一例引入

引證以經爲首史次之子集又次之史子集中引用經語閒於每條下附著一二以廣文藻如史與子集則以書出之先後爲準史在先則引史而子集之語附之子集在先則引子集而史語附之總以溯其本源無使凌亂

訓詁之學因文起義各有師承有相近者有相懸者有以後補前者有以此駁彼者茲編主於博引凡遇文同而解異者必兼收分載以廣見聞

前人注書多不載篇名世代後人互相稗販意爲增減以致輾轉沿謬無從檢對茲編所引悉據原書經子必詳何篇史

乘必詳何傳何志詩文必詳何題與作者何代不敢少有含混斯可徵信不致貽誤來者

每則末標一語仿爾雅之遺凡遇字之音義相同者於注中連類徵引先將通同之字以小字雙行附書於所標正文之下以清麁目使閱者望而知之然後尋繹其注若音義相近各有所重亦不敢妄爲牽引

卷中凡遇僻字或一字數音者必加反切原注有者仍之無者補之

古今用韻不同凡遇複字之用叶音者必詳列上下韻以見通叶之義且爲註明何爲本音何爲叶音若叶音無關複字

二  
自有諸韻書辨之茲不多贅

人之用雙名者無關義蘊平日輯有男婦雙名錄一卷本擬  
別行因與此書相似故附於十三卷之末非敢自亂體例也  
閱者諒之

雙名錄

樂亭 史夢蘭 香厓

勃勃

十六國春秋赫連勃勃劉淵之族也

落落

五代史唐莊宗本紀克用自將擊魏戰於洹水亡其

子落落

休休

五代史義兒傳存孝與安休休等以兵助罕之休休

被執

實實

金史實實原作習失

奇奇

元史奇奇爾原作怯怯里斡爾喀氏

庫庫

元史庫庫字子山路喇氏兄和和字子淵案庫庫原



作巉巉和和原作回回

和和 註見上

牙牙 〔元史類編〕阿沙不花康里國王族也其祖母有二子  
曰曲律牙牙曲律無子牙牙復封康國王生六子阿沙不  
花與康里脫脫其著者也

脫脫 〔元史類編〕脫脫字大用父馬札兒台侍仁宗於潛邸  
〔案〕脫脫與康里脫脫俱列宰輔傳〔又〕功臣傳有脫脫木華  
黎元孫也

濶濶 〔元史類編〕濶濶不花按難脫脫里氏魁岸有膂力  
〔又〕濶濶出至元二十六年封甯遠王

塔塔

〔元史類編〕塔塔統阿畏兀人

徹徹

〔元史類編〕玉龍峇失孫曰徹徹禿延祐七年封甯遠

王

〔又〕徹徹擔古思氏

同同

〔元詩選癸集〕同同字同初蒙古人狀元及第官至翰林

待制〔案〕江西通志有同同官江西廉訪司經歷陳友諒攻陷郡城與賊遇於合同巷罵賊而死是又一蒙古人也

童童

〔元詩選癸集〕童童官學士童一作仝有奉旨祀桐柏

山詩

保保

〔明史〕擴廓帖木兒本姓王小字保保

狗狗

〔元史〕孝友傳郭狗狗平陽翼城人五歲救父

九九

劉九九元末將見楊鐵崖風雅遺音序

元稹長慶

集有代九九詩

八八

李懷光外孫燕八八見唐書本傳

陶八八授顏真卿

卿碧霞丹見列仙傳李石續博物志

七七

全唐詩殷七七名天祥又名道笏嘗自稱七七不知

何所人

元史順帝紀翼甯平遙等縣曹七七反

東京

夢華錄嘌唱弟子張七七

六六

樂府雜錄尚六六元和以來能齋栗

常六六遇春

父見宋文憲開平王碑

四四

嘉禾志陳四四剖心療親宋嘉定十一年表其功

十  
五代史王思同傳潞王從珂遣伶奴安十十以五絃  
謁思同

黑黑  
朝野僉載太宗時西國進一胡善琵琶上使羅黑黑  
隔帷聽之一遍而得

翁翁  
雪麓漫鈔唐人許翁翁少隸軍籍遇異人棄家入襄  
漢山中學道

僕僕  
太平廣記僕僕先生不知何許人自云姓僕名僕莫  
知其所由來家於光州樂安縣黃土山  
宋張耒次韻君  
復見贈詩還丹欲問僕僕仙一庵更伴騰騰懶註僕僕古  
仙人騰騰古輝宿也

騰騰

註見上男

滔滔

官園小名錄滔滔宋宣仁皇后高氏

燕燕

遼史后妃傳景宗睿知皇后蕭氏諱綽小字燕燕

瑟瑟

遼史后妃傳天祚文妃小字瑟瑟善歌詩

英英

元史掖庭記順帝爲英英采芳館於瓊華島

以上后妃

妹妹

太平廣記高愍女名妹妹父彥昭事正已及納拒命

質其妻子使守濮陽建中二年挈城歸河南都統劉平佐

屠其家時女七歲母李憐其幼請免死爲婢許之女不肯

曰母兄皆不免何賴而生母兄將被刑徧拜四方女問故

荅曰神可祈也女曰我家以忠義誅神尙何知而拜之問

父在所西向哭再拜就死德宗駭歎詔太常謚曰愍

賽賽

異林鮑賽賽辰州人十五隨父耕畬歸遇虎攫父去

賽賽操刃追之相持良久竟斃於虎

惜惜

宋史列女傳毛惜惜者高郵妓女也端平二年別將

榮全據城畔制置使遣人招之全僞降欲殺使者方與同  
黨王安等宴飲惜惜恥於供給安斥責之惜惜曰初謂太  
尉降爲太尉更生賀今乃閉門不納使者縱酒不法乃畔  
逆耳妾雖賤妓不能事叛臣全怒遂殺之

醜醜

元史列女傳關文興妻王氏名醜醜建康人也文興

從軍漳州王氏與俱行至元十七年陳吊眼作亂文興戰

死王氏被掠義不受辱乃給賊曰俟吾葬夫卽汝從也賊  
許之遂脫得負屍還積薪焚之火既熾卽自投火中死事  
聞謚曰貞烈夫人

娥娥

元史列女傳陝西陳某妻別娥娥附王氏傳

任任

金史列女傳康任任鄆州人夫亡父取歸許嚴訐爲

一妻投崖而死詔有司致祭

翠翠

官閨小名錄劉翠翠淮安民家女與金定同年同學

私約爲媚張士誠兵至翠爲所掠金訪見之相持慟哭俱

死有詩在衣領中

青青

官閨小名錄青青翟素婢死節

以上烈女

簡簡 唐白居易簡簡吟蘇家小女名簡簡

星星 本事詩唐崔曙應進士舉作明堂火珠詩日夜來雙  
月滿曙後一星孤當時以爲警句及來年曙卒唯一女名  
星星人始悟其自識也

鸛鸛 全唐詩話崔鸛鸛貞元中隨母鄭氏寓居蒲東佛寺  
有張生者與之賦詩贈答情好甚昵

寄寄 唐李商隱有祭小姪女寄寄文

稱稱 宋梅聖俞有殤小女稱稱詩三首

美美 會昌解頤錄劉立爲長葛尉其妻楊氏忽一日泣謂  
立曰我以某日當死他日美美長成願君留之三三年其



夕楊氏卒及罷官寓居長葛已十年矣有縣令某者邀立  
往郭外看花令立先去舍趙長官莊行二三里見杏園中  
有婦女十數人立駐馬觀之有一女年可十五六亦近敗  
垣中窺立至趙長官宅入門主人移時方出曰適女子與  
親族看花忽中暴疾所以不果奉迎坐未定有一青衣與  
趙耳語趙起入內聞趙公嗟歎之聲乃問立曰君某年爲  
長葛尉增楊氏乎曰然有女名美美僕名秋笋乎曰然趙  
乃以實告曰女適看花忽若暴卒旣蘇自言前身乃公之  
妻也適窺見公不覺悶絕立欬歔久之須臾縣令亦至趙  
白其事立曰某今年尙未高願與小娘子尋隔生之好衆

共成之於是成婚而美美長於母三歲矣

超超

官閨小名錄超超溫都監女欲嫁東坡不果而卒坡

作卜算子詞弔之

娉娉

官閨小名錄買娉娉字容華似道女母莫與魏鵬母

蕭有指腹約後買負盟鵬託婢春鴻傳意遂相與私鵬歸  
娉賦詞贈別竟鬱死後有長安丞宋子塵女暴卒後甦自  
言娉借屍還魂遂歸鵬焉

惜惜

官閨小名錄羅惜惜浙東人父仁卿與張忠隣忠子

幼謙同日生約爲夫婦寄詞往來後父受辛氏聘羅誓死  
不從踰牆相通鳴於官斷爲夫婦明年張登第偕老焉

娟娟

列朝詩閨集田娟娟武清木涇室木涇字元經康陵

朝以御薦入太學嘗登秦觀峰夢老嫗攜一女子甚麗以  
一扇遺生二年入都道出土橋得遺扇於草中興之題二  
詩於樹而去永樂中用薦爲工部郎休沐之日偕僚友同  
出土橋偶憇田家老嫗熟視其扇曰此吾女手跡也偶過  
溪橋失之何爲入君手女尋扇至溪橋見樹上二絕句朝  
夕諷詠得非君作乎命女出見宛如夢中遂爲夫婦  
統統 列朝詩閨集沈宜修字宛君吳江人工部郎中葉紹  
袁之妻也生三女長曰統統統字昭齋生三子能朗誦  
長恨歌十三能詩書法道勁有晉風

倩倩

列朝詩集張倩倩吳江士人沈自微君庸之妻卽

宛君之姑之女也倩倩歸君庸生子女皆不育遂女宛君

之季女瓊章瓊章夙慧兒時能誦毛詩楚詞倩倩教之也

瓊瓊

午夢堂集嚴瓊瓊字小瓊

觀觀

官閨小名錄童觀觀楚人有殊色工詩畫

以上閨秀

羅羅

天業拾遺記帝嘗騎遊諸官偶戲官婢羅羅者羅羅

畏蕭妃不敢迎帝

紅紅

樂府雜錄張紅紅者初韋青納爲姬有樂工伯歌於

青青召紅紅於屏後聽之以小豆數合記其拍樂工歌罷

卽隔屏歌之一聲不失後召入宜春院號記曲娘

翹翹 麗情集沈翹翹文宗時官人後出官歸秦氏秦出翹  
製曲寄之名曰憶秦郎

瓊瓊 麗情集薛瓊瓊開元中第一等手清明日上令官妓  
踏青狂生崔懷寶竊窺瓊瓊夜之內樂供奉楊羔所潛待  
之羔令崔作小詞方得見瓊瓊崔曰平生無所願願作樂  
中箏近得佳人纖手子研羅裙上放嬌聲案南宋官人亦  
有名瓊瓊者註見下

十十 舊唐書莊恪太子傳上召樂官劉楚材官人張十十  
等責之曰陷吾太子皆爾曹也立命殺之

水水 官闔小名錄李水水水水張好好皆憲宗官人刻名佛骨

塔蓮花中

柔柔

〔武林舊事〕八月二十一日壽聖皇太后生辰小劉婉

容進自製十色菊千秋殿曲破內人環環柔柔對舞

以上宮娥

盼盼

〔長慶集〕尙書張建封納歌姬關盼盼於燕子樓公沒

盼盼念舊愛不嫁居是樓十餘年嘗題詩見志白樂天廣  
和之復贈一絕盼盼得詩泣曰自公薨背妾非不能死恐  
百世之後以我公重色有從死之妾是玷公清範也所以  
偷生耳怏怏旬日不食而卒

小小

〔酉陽雜俎〕寺塔記曰王繒爲相爲妾造寶應寺宏麗

無比今寺中什梵天女悉韓幹爲齊公妓小小等寫真也

英英

全唐詩話英英楊給事師臯愛姬也

七七

叙小志李汧公妾名七七善琴與箏

盈盈

默記蓬奚盈盈傳晏元獻家有之蓋唐人所撰也盈

盈者天寶中貴人之妾姿艷冠絕一時會貴人病同官之子爲千牛者失索之甚急明皇聞之詔大索京師無所不至而莫見其跡因問近往何處其父言貴人病嘗往問之詔且索貴人之室盈盈謂千牛曰今勢不能自隱矣出亦無甚害因教曰第不可言在此恐上問何往但云所見人物如此所見帟幕帷帳如此所食物如此勢不由己決無患矣旣出明皇大怒問之對如盈盈言上笑而不問後數

日號國夫人入內明皇戲謂曰何久藏少年不出耶夫人亦大笑而已

鶯鶯 隨隱漫錄錢唐范十郎二女俱爲雲間富民陸氏妾長曰鶯鶯早世次日燕燕與羣妾等陸病且貧貨所居樓墓廬羣妾散燕獨不忍去十餘年陸死自齎以葬焉

燕燕 註見上

田田 書史會要田田錢錢辛棄疾二妾也因其姓而名之皆善筆札掌代辛答尺牘

錢錢 註見上

黠黠 畫繼黠黠任才仲妾有絕色善著色山



懿懿

樂府侍兒小名子瞻贈徐君猷家姬詞柔和性氣雅

稱佳名呼懿懿

輕輕

樂府侍兒小名伯恭在錢卿席上贈侍人輕輕殢人

嬌詞有句云波上精神掌中態度分明是彩雲圓做

倩倩

樂府侍兒小名黃公度號知家翁有二侍兒曰倩倩

曰眇眇在五羊時嘗出以倩倩洪丞相迺景伯爲賦眼兒

媚詞倩倩先公而卒四印居士有悼侍兒倩倩詩

眇眇

註見上

簡簡

明詩綜徐簡簡字文漪嘉興人休寧吳璵小妻有佩

蘭閣草夢居集

龍龍

宮闈小名錄龍龍朱虞部妾

以上  
姬妾

灼灼

麗情集灼灼錦城官中奴御史裴質與之善裴召還

灼灼每以軟紅絹裹紅淚爲寄

東東

抒情錄唐寶翠悼妓東東一篇云芳菲美艷不禁風

未到春殘已墜紅惟有側輪車上鐸耳邊常似叫東東

端端

雲溪友議唐崔涯吳楚狂士也與張祐齊名每題詩

於倡肆無不誦之於衢路譽之則車馬繼來毀之則盃盤

失措嘗嘲李端端云黃昏不語不知行鼻似煙窗耳似鐺

獨把象牙梳插髻崑崙山上月初生端端得詩憂心如病

使院飲迴遙見二子攝展而行乃道旁再拜兢惕曰端端

祇候三郎六郎伏望哀之乃重贈一絕句以飾之云覓得黃驢被繡鞍善和坊裏取端端揚州近日無雙俱一朵能行白牡丹於是豪富復臻其門或戲之曰李家娘子纔出墨池便登雪嶺何爲一日黑白不均

舉舉 〔北里志〕鄭舉舉者居曲中嘗與絳真互爲席料爲諸朝士所眷

蘇蘇 〔北里志〕王蘇蘇在南曲中頗善諧謔有進士李標者自言英公勣之後久在大諫王致君門下致君弟姪因與同詣焉飲次標題窗曰春暮花株繞戶飛王孫尋勝引塵衣洞中仙子多情態留住劉郎不放歸蘇蘇先未識不甘

其題因謂之曰阿誰留郎君莫亂道遂取筆繼之曰怪得  
大驚雞亂飛羸羸瘦馬孝麻衣阿誰亂引閒人到留住青  
蛺蝶熱趕歸標性福頭面通赤命駕先歸後蘇蘇見王家郎  
君輒詢熱趕

運運

北里志王運運字沼容微有風貌

住住

北里志張住住少而敏慧能辨音律

道道

青樓集魏道道勾欄內獨舞鷓鴣四篇打散自國初

以來無能繼者故旦色有不及焉

秀秀

青樓集孫秀秀都下小旦色也名公巨卿多愛重之

京師諺曰人間孫秀秀天上鬼婆婆

堅堅

青樓集荆堅堅善唱

山山

青樓集顧山山行第四人以顧四姐呼之姿性明慧

技藝絕倫

真真

情史鄭遠古元和初登第寓東都與柳尙將軍同巷

鄭謂西都柳設宴餞行出家妓歌樂以送內有一妓甚美

鄭眷戀不已柳謂曰此沈真真本良家女頗能文辭請公

一詞以定情好候公拜命卽當送還公欣然賦云云柳大

喜俾真真拜謝鄭至京除國子博士柳見除目卽送真真

赴約及嘉祥驛聞還古物故而還柳嗟歎遂使別居真真

守節終身

青樓集趙真真馮蠻子之妻也善雜劇

心心 青樓集李心心于盼盼于心心皆國初京師小唱也  
憐憐 青樓集汪憐憐湖州角妓湜古伯經歷納之克盡婦  
道數年湜沒汪髡髮爲尼 墨莊漫錄廖明錄與唐州二  
營妓情好甚篤其一小字憐憐 官閨小名錄下憐憐成  
都角妓

愛愛 麗情集楊愛愛錢唐娼女也善歌舞 曆唐外史情  
史羅愛愛嘉興妓適趙氏子爲劉萬戶所掠自縊死趙自  
都回哭之現形與別歌沁園春一闋

好好 本事詩杜牧佐故吏部沈公在江西幕張好好年十  
三以善歌來樂籍中後爲沈著作所納感舊興懷題詩以

贈之 唐語林長慶中白居易爲杭州刺史官妓高玲瓏  
謝好好巧於應對善歌舞後元微之鎮會稽參其酬唱每  
以筒竹盛詩往來

小小

〔樂府廣題〕蘇小小錢唐名妓也南齊時人

轉轉

〔北夢瑣言〕馬彧持燕帥之命荅聘常山韓定辭接於

公館時有妓轉轉者韓之所眷也每當酒席或頻目之韓  
曰昔晉文公分季隗於趙衰孫伯符輟小喬於公瑾蓋以  
色可奉名人但虛倡妓不如賢者之顧願垂一詠俾得奉  
之或援筆文不停輟作轉轉之賦其文甚美

卿卿

五代油蔚有贈別營妓卿卿詩

安安 宋史理宗癸丑元夕上呼妓入禁中有唐安安者歌  
色絕倫帝愛幸之侍郎牟子才諫曰此皆董宋臣輩壞陛  
下素履

英英 隱居詩話楚州有官妓王英英喜筆札學顏魯公體  
梅堯臣嘗贈以詩

盈盈 庚堅志魏人王山能爲詩因省試下第薄遊東海值  
吳女盈盈者來善歌舞府守田龍圖召使侍宴山預賓列  
相得於樽俎之間驩處累月

鸞鸞 全唐詩趙鸞鸞平康名妓也

婉婉 梁府侍兒小名秦少游有水龍吟詞寄營妓婁婉婉



字東玉詞中前後兩段首句藏其姓名與字如小樓連苑橫空下又玉佩丁東別後是也

蟲蟲 樂府侍兒小名柳耆卿集賢賓詞就中堪入屬意最是蟲蟲有畫難描雅態無花可比芳容

倩倩 樂府侍兒小名楊无咎逃禪詞集垂絲釣詞題鄧端友席上贈呂倩倩

盼盼 樂府侍兒小名長卿水龍吟詞題江樓席上歌姬盼盼

貴貴 樂府侍兒小名趙子昂於李叔固丞相會間有浣溪紗詞贈歌者貴貴

黃黃 宋王元之有戲和壽州曾秘丞黃黃詩云黃黃真是

小巫娥

冬冬 宋汪水雲有歌妓許冬冬攜酒郊外小集詩

師師 東京夢華錄汴城名妓有李師師

春春 武林舊事時春春時佳佳徐勝勝牛安安余元元朱

伴伴以上俱雜色妓藝人

佳佳 勝勝 元元 伴伴 註見上

六六 宛委餘編 馮六六元時名妓

奇奇 列朝詩集吳非熊有榕城小妓奇奇歌

燕燕 燕都妓品張三字燕燕東院人

宛宛 燕都妓品劉英字宛宛劉俏妹

素素 (明詩綜薛素素小字潤娘嘉興妓有異才數嫁皆不終有南游草

翩翩 (列朝詩聞集景翩翩字三昧建昌青樓女也與梅生子庚以風流意氣相許有婚姻之約而不果久之窮困以死詩名散花吟同時金陵有徐翩翩才色爲秦淮之冠嘗有句云紅拂當年事青樓此日心歸江上郁公子以儀法有聞

亭亭 (靜志居詩話徐翩翩年十六謝少連於衆中見之曰此陳王所云翩若驚鴻者也由是人咸以驚鴻目之有妹

亭亭字若鴻亦慧黠時又有沙飄飄新都謝少連撰李泌  
嘗成其友陳金賀之布席齊王孫第四方之士會者百人  
選六院麗人侑酒飄飄爲冠

飄飄 註見上

娟娟 靜志居詩話顧娟娟嘉興妓居蘇小小墓東北短小  
穠粹妙歌舞雙鞦柔弱胡旋燈前觀者靡不歎絕燕都妓  
品楊六字娟娟東院人

關關 宮闈小名錄關關以青華杯酌酒與俞本明有異香  
瓊瓊 宮闈小名錄馬瓊瓊宋時營妓歸朱延之居西閣正  
室居東閣不協因作梅雪詩

當當

宮閨小名錄李當當教坊妓入道段天祐贈以詩

仙仙

宮閨小名錄葉天寥云仙仙十三歲住秦淮今年十

七將有錦江之行予甚傷焉口占浣溪紗詞送之

以上妓女

英英

全唐詩卓英英成都女郎與智娘元士唱和

仙仙

全唐詩王仙仙有荅孫元照詩一首

娟娟

姚娟娟名玉字守貞木瀆水仙尤西堂有傳

翹翹

宮閨小名錄翹翹仙鬼劉諷遇之

真真

松窗雜記唐進士趙顏於畫工處得一軟障圖一婦

人甚麗畫工曰余神畫也此亦有名曰真真呼其名百日

晝夜不歇卽必應之應則以百家經灰酒灌之必活顏如

其言果活下步言笑飲食如常終歲生一兒友人曰此妖  
也必與君爲患余有神劍可斬之其夕遺顏劍劍纔及室  
眞眞乃曰妾南岳仙也君今疑妾妾不可住言訖攜其子  
上畫障嘔出先所飲百家酒觀其障唯添一孩子仍是舊

畫焉

以上  
仙鬼

皇雅卷一

樂亭 史夢蘭 香厓

巖巖

品品崑崑  
岩岩礧礧

戔戔

戔戔  
洑洑

隗隗

隗隗  
既漸

漸漸

漸漸  
戔戔

曉曉

曉曉  
鬼鬼

岌岌

崇崇潼潼揭揭疑疑遶遶亭亭

亭亭  
停茗

茗茗

茗茗  
迢迢

曉曉

曉曉  
堯堯

翹翹

鏘鏘

鏘鏘  
列列

烈烈

烈烈  
律律

業業

業業  
從從

縱縱

子子

子子  
縱縱

首首

頽頽

峻峻將將

將將  
鏘鏘

卓卓

卓卓  
遶遶

繹繹

繹繹  
磴磴

唯唯

唯唯  
崔崔

硯硯

硯硯  
礧礧

頽頽

頽頽屹屹孱孱顏顏峭峭顛顛叩叩

叩叩  
昂昂

藏藏

藏藏  
臧臧

嶸嶸

嶸嶸  
落落

峻峻

峻峻

峻峻  
嶸嶸

崩崩

崩崩  
崖崖

嚙嚙

嚙嚙  
礧礧

危危

危危  
掀掀

岑岑

岑岑  
崑崑

嶺嶺

嶺嶺  
欽欽

奎奎坻坻高也

詩小雅維石巖巖毛傳巖巖積石貌廣雅巖巖高也通作

品漢張衡思平賦冠品品其映蓋文選李善註品五咸切  
李周翰註品品高貌品亦作崑漢劉歆遂初賦巨石破之  
崑崑俗作岩唐賈餗仙人掌賦勢孤聳於岩岩陳球碑礧  
礧猶嶽巖巖作礧礧

列子湯問篇崑崑今若泰山楚辭

劉向九歎冠浮雲之崑崑王逸註崑崑高貌崑通作礧唐  
羅讓高祖受命賦礧礧崑崑案此佩文韻府所引全唐文  
不載此文漢傅毅七激積雪泚泚中夏不流案其文義泚  
泚猶峨峨也古人用字假借多此類

晉僧支遁詠懷詩

隗隗形崖頽隗與阢通釋名危阢也阢阢不固之言也廣  
雅阢阢高也詩小雅漸漸之石維其高矣毛傳漸漸山



石高峻漸音鑣子貢詩說作嶄嶄唐杜牧杜秋詩嶄嶄整

冠珮廣雅嶄嶄高也說文嶄礧石也徐曰詩漸漸之石當

作此字士衡反唐韓愈酬司門盧雲夫詩倚天更覺青

巉巉古豔歌南山石鬼鬼廣雅鬼鬼高也離騷高余

冠之岌岌王逸註岌岌高貌案廣雅岌岌盛也盛亦從高

起義漢班彪北征賦望通天之崇崇文選李周翰註崇

高也宋玉高唐賦沕瀘瀘而高厲文選李善註瀘瀘高

貌楚辭劉向九歎貌揭揭以巍巍王逸註揭揭高貌也

唐韓愈處州孔子廟碑揭揭元哲有師之尊史記帝嚳

紀其德巍巍註巍巍德高也楚辭王褒九懷過萬首兮巍

嶷

漢王延壽魯靈光殿賦揭遠遽而騰湊文選李善註

崔駰七依曰夏屋邁邁高也音渠

水經瓠子河注雷澤

西南有小山亭亭傑峙謂之厯山

又河水注虎牢西北

隅有小城列觀臨河茗茗孤上

漢張衡西京賦干雲霄而

上達狀亭亭以茗茗文選薛綜註亭亭茗茗高貌案茗茗

六臣本作岩岩從山五臣作迢迢魏母丘儉承露盤賦邈

迢迢以秀峙又仙掌岩岩零露是集亭亦通作停唐梁高

望雲居寺石浮屠銘停停淨域峩峩給園

漢書揚雄傳

直嶢嶢以造天師古註嶢嶢高貌

釋名山多小石曰礧

礧堯也每石堯堯獨處而出見也說文堯高也從堯在兀

上高遠也白虎通義堯猶皤皤也詩周南翹翹錯薪疏

翹翹高貌

漢張衡西京賦檜梓重勢鏘鏘列列文選李

善註鏘鏘列列皆高貌鏘與粵通亦作粵張衡思平賦冠

粵粵其映蓋後漢書註粵音五各反一作岌並冠高貌也

文選作岌岌列與烈通詩小雅南山烈烈朱傳烈烈高大

貌又小雅南山律律毛傳律律猶烈烈也律與律通

晉何晏景福殿賦峨峨業業罔識所屆文選呂向註峨峨

業業高貌業通業詩大雅四牡業業毛傳言高大也禮

檀弓南宮縚之妻之姑之喪夫子誨之髻曰爾毋從從爾

鄭註從從謂太高從音總儀禮士喪禮注作縱縱

詩邶

風子子千旌朱傳子子特出之貌 又大雅虞業維樅毛

傳樅崇牙也朱傳業上懸鐘磬處以綵色爲崇牙其狀樅

樅然者也宋黃庭堅晚泊長沙詩宰木已樅樅 爾子音

者五帝之治天下也其道昭昭若日月之明然若以晝代

夜然故其道首首然案此言首在上昂昂示人猶頽爲尫

骨常在面上頽頽然也說文頽權也徐曰莊子曰其頽頽

頽塊然也權雖反 唐孟郊至孝義渡詩嵩少玉峻峻

漢張衡東京賦立應門之將將文選呂向註將將高貌又

思平賦踰高閣之鏘鏘後漢書註鏘鏘高貌文選作將將

楚辭嚴忌哀時命處卓卓而日遠王逸註卓卓高貌卓

一作連遠一作高洪興祖補註連音卓 漢揚雄甘泉賦

迺望通天之繹繹文選李周翰註繹繹高貌 漢王延壽

魯靈光殿賦汨磴磴以璀璨文選李善註磴磴高貌後漢

書馬融傳峩峩磴磴鏘鏘唯唯註並高峻貌案字書無唯

字當卽崔字詩齊風南山崔崔毛傳崔崔高大也 晉左

思吳都賦硨磲硨磲文選張銑註皆山石貌硨磲胡罪反硨

力罪反 唐韓愈別知賦山礧礧而相軋礧與礧同集韻

山高貌 又韓愈平淮西碑額額蔡城原註額額同柳宗

元平淮夷雅歌無特額額 又黃滔福州報恩定光多寶

塔碑記屹屹巖巖孱孱顏顏屹魚訖切正字通屹山獨立

壯武貌漢書司馬相如大人賦註屏顏卽巉巖 又劉蛻

文冢銘序峭峭爲壁峭音俏集韻嶮也 元包經需頁顛

顛聰困困頁奚結切音類說文頁頭也顛頂也玉篇山頂

曰顛元包經蹇蹇困困尸顛顛尸五割切音辭說文岸高

也 漢枚乘七發顛顛叩叩文選李善註波高貌荀子賦

篇叩叩今天下之咸蹇也楊倞註叩叩高貌與昂同楚辭

下居宜昂昂若千里之駒乎王逸註昂昂志行高也周禮

地官保氏註軍旅之容闐闐仰仰釋文仰五剛反亦作叩

關尹子三極篇所謂聖人之道者胡爲子子爾胡爲徹

徹爾胡爲堂堂爾胡爲臧臧爾通雅云唐唐臧臧猶堂堂

藏藏也今人語或作昂昂藏藏水經淇水注石壁崇高昂

藏隱天漢揚雄甘泉賦擢北極之嶸嶸漢書注晉灼曰

嶸嶸概擢貌師古曰言高臺特出乃至北極其狀竦嶸嶸

嶸然也文選張銑註嶸嶸峻秀貌晉孫綽遊天台山賦

蔭落落之長松文選呂延濟註落落松高貌北周庾信謝

趙王示新詩啟落落詞高梁江淹赤虹賦錯龜鱗之峻

峻又去故鄉賦峻峻斷山集韻峻同峻又峻閭承切音陵

峻峻石貌與峻通唐司空圖太子太師盧公碑崩崩當

世止有數賢崩士力切又蘇銑開大庾嶺銘石巖嵬兮

山崖崖又游方任城縣橋亭記危欄巖巖又元結丹

崖翁宅銘礧礧丹崖礧音增

又皇甫湜廬陵香山寺碣

列庫豐廚危危掀掀韓愈詠筍詩戈矛頭戢戢蛇虺首掀

掀唐孟郊連州吟連天碧岑岑

楚辭招隱士狀貌岑

岑今峨峨王逸註頭角甚殊峨峨一作巖巖音巖五臣云

頭角高貌說文凡地高險者曰岑王逸九思叢林兮岑岑

釋名欽欠也開張其口欽欽然玉篇欽岑山勢聳立貌

集韻虛金切音欽說文坭土塊坭坭也一曰高塏爲坭

坭音六陸本字小篆加阜作陸易略例釋文坭坭蟻冢

遼遼遙遙

貌貌

渺渺

渺渺

悠悠

悠悠

迢迢

迢迢

迢迢

迢迢

芒芒

芒芒

迢迢

迢迢

迢迢

迢迢

迢迢

迢迢

迢迢

迢迢

迢迢

迢迢

迢迢



楚辭劉向九歎山修遠其遠遼王逸註遼遼遠貌晉陶潛

扇上畫簷遼遼沮溺左傳昭二十五年鸛鵒之巢遠哉

遙遙南史何昌寓傳嘗有一客姓閔自云子騫後昌寓團

扇掩口而笑曰遙遙華胄離騷神高馳之邈邈王逸註

邈邈遠貌唐韓愈月蝕詩完完上天東朱子韓文考異完

完諸本作貌貌貌與邈同遠也邈莫角切通作藐晉左思

魏都賦藐藐標危文選註藐藐遠也管子內業篇渺渺

乎如窈無極房註渺渺微遠貌渺通作眇漢張衡思平賦

風眇眇兮震余旗文選舊註衡曰眇眇遠貌詩鄘風馳

馬悠悠毛傳悠悠遠貌悠通作攸漢書敘傳攸攸外寓註

攸攸遠貌悠又叶延知切音移漢梁竦悼賦賦彼皇麟之高舉兮熙太清之悠悠臨岷川以懷恨兮捐丹海以爲期

文選古詩迢迢牽牛星呂延濟註迢迢遠貌 楚辭王

逸九思余顧瞻兮怊怊註怊怊四遠貌 又宋玉九辨春

秋遶遶而日高遶敕角切音皀說文遶也 左傳莊二十

二年翹翹車乘杜註翹翹遠貌 又襄四年芒芒禹跡杜

註芒芒遠貌芒通茫釋名望茫也遠視茫茫也 梁江淹

齊太祖高皇帝誄迴迴寵迹 晉左思吳都賦芒芒旣旣

文選註旣旣絕遠貌旣許旣切 又魏都賦縣縣迴塗文

選呂向註縣縣遠貌 易林晉之坎懸懸南海去家萬里

漢司馬相如長門賦荒亭亭而復明文選李善註亭亭

遠貌魏文帝雜詩西北有浮雲亭亭如車蓋文選李善註

亭亭迴遠無依之貌也南朝宋謝惠連述祖德詩茗茗

歷千載文選劉良註茗茗遠也又初發石首城詩茗茗萬

里帆楚辭屈原九章瞭杳杳而薄天王逸註杳杳遠貌

淵淵

困

淵淵泓泓窈窈

窈窈窈窈窈窈窈窈

窈窈

窈窈

窈窈

窈窈

窈窈

窈窈

沈沈炯炯藐藐湛湛肅肅涇涇兮兮蘊蘊瀛瀛深也

禮中庸淵淵其淵廣雅淵淵深也淵古作困元包經履上

顛顛下困困唐元結樂歌聖德至深兮淵淵如淵齊於

倫切音贊南朝宋謝靈運山居賦泓泓澄淵廣雅泓泓

深也。淮南子精神訓窈窈冥冥漢司馬相如長門賦天  
窈窈而晝陰廣雅窈窈深也與窅通說苑權謀篇將將之  
臺窅窅其謀道德指歸論禍生於冥冥福生於窅窅唐韓  
愈劍咏行窅窅深慙亦作愔集韻愔愔深不測通作助漢  
書樂志清思助助師古註助助幽靜也韻會助助深遠也  
或作助字典耳目部並收又通杳楚辭屈原九章眇兮杳  
杳王逸註杳杳深冥貌也案集韻窅窅愔助杳並伊烏切  
唐元稹憶雲之詩人生既相合不復論窈窕窈與窅通  
廣雅窅窅深也唐李賀洛姝真珠詩玉喉窅窅排空光窅  
徒吊土了二切通作窅案官室深山水深皆曰窅窅漢

張衡西京賦大廈耽耽文選薛綜註耽耽深邃之貌晉左  
思吳都賦千蔭耽耽文選呂向註耽耽青槐蔭深之狀又  
魏都賦耽耽帝宇文選註沈與耽音義同耽與耽通集韻  
耽耽室宇深邃之貌韓詩外傳蓬天之暑思心潭潭華陽  
國志漢應季先美嚴王思詩潭潭其淵唐韓愈符讀書城  
南詩潭潭府中居史記陳涉傳夥涉之爲王沈沈者註應  
劭曰沈沈宮室深邃之貌沈音長含反通作潭亦作耽索  
隱曰劉伯莊以沈沈猶談談謂故人呼爲談談猶俗云談  
談深也說文繫傳引史記作猓乎涉之爲王默默者也

漢司馬相如上林賦沈沈隱隱文選李善註沈沈深貌也

梁江淹雜體詩青浦正沈沈文選呂延濟註沈沈深靜貌

沈直深切唐李華含元殿賦下土相嶽愕視沈沈淮南

子兵略訓深哉矐矐字彙補矐矐深也知丑切音帚詩

大雅寢廟既成既成藐藐朱傳藐藐深貌宋玉高唐賦

蒼漭漭而弗止文選李善註漭漭深貌音丈減切楚辭招

魂漭漭江水魏稽康琴賦竦肅肅以靜謐文選李周翰

註肅肅深也史記司馬相如傳巖巖深山之漭漭兮註

晉灼曰漭漭長大貌師古曰深通貌漭古漭字元包經

坎𡵓困困𡵓𡵓唐元結閔岭中辭大淵蘊蘊兮絕棧

岌岌又治風詩化流瀛瀛又樂歌由六合兮根柢羸羸

羸羸義同

絲絲揭揭

揭揭

頎頎敖敖悠悠鞞鞞遲遲延延格格曼曼

漫漫

蔓蔓參參修修莘莘若若嶽嶽傑傑眇眇眇眇縵縵繡繡挺

挺慘慘慘慘儼儼彤彤鬻鬻纂纂毳毳披披

被被

陶陶纚纚挺

挺簪簪永永長也

詩王風絲絲葛葛毛傳絲絲長不絕之貌

又衛風葭葭

揭揭毛傳揭揭長也揭與揭通一切經音義揭揭又作襟

同居揭反詩傳云揭揭長也說文禾舉出苗也案篇海襟

禾長貌

又碩人疏大德之人其貌頎頎然長美

又碩

人敖敖毛傳敖敖長貌箋敖敖猶頎頎也

又秦風悠悠

我思朱傳悠悠長也 又小雅鞞鞞佩璫不以其長朱傳

鞞鞞長貌 又幽風春日遲遲朱傳遲遲日長而暄也廣

雅遲遲長也 楚辭王逸九思鱣鮪今延延晉陸雲張二

侯頌延延紫極廣雅延延長也 又九思山阜兮砢砢註

砢砢長而多有貌也 漢司馬相如長門賦夜曼曼其若

歲文選註曼曼長也 史記鄒陽傳註宵戚飯牛歌曰長夜

曼曼何時旦曼與漫通釋名幔漫也漫漫相連綴之言也

畢氏疏證云漫字當從說文作曼曼引也據云相連綴自

當用曼引之曼今加水旁俗 漢書樂志蔓蔓日茂註蔓

蔓言其長久也逸周書和寤解縣縣不絕蔓蔓若何註縣



絲小長貌蔓蔓大長貌

漢書文帝紀彗星光芒長參參

如掃箒後漢書張衡傳長余佩之參參註參參長貌

唐

杜甫晦日尋崔戢李封詩舊竹頗修修

宋蘇軾次韻林

子中見寄詩笑看魚尾更莘莘毛詩小雅傳莘長貌

漢

書石顯傳印何纍纍綬若若耶註若若垂貌一曰長貌

又朱雲傳諸儒爲之語曰五鹿嶽嶽朱雲折其角註師古

曰嶽嶽長角之貌王逸九思林榛兮嶽嶽

集韻傑傑長

貌士絞切巢上聲又躬躬體長貌山巧切稍上聲

晉

陸機文賦志眇眇而臨雲文選張銑註眇眇長貌

漢班

彪北征賦越安定以容與兮遵長城之纓纓劇蒙公之疲

民兮爲强秦乎策怨怨平聲案此古今韻略所引今文選

作漫漫隋書天文志有飛星大如缶若變後皎白纒纒然

長可十餘丈而委曲名曰天刑唐元結訟木魅辭將封

灌乎善木令櫛櫛以挺挺櫛本作櫛類篇疏鳩切音按木

長貌挺丑延切說文木長也又杜甫越人獻馴象賦牙

櫛比而參參音森說文木長貌南史王子年歌三禾

穆穆林茂滋穆楚簪切音參字書曰禾長也說文長壯

儼儼也引春秋傳長儼者相之徐曰左傳註長儼多鬚也

又髮長髮焱焱也北周庾信竹杖賦髮種種而逾短眉

髮髮而競長漢書樂志白麟歌掩回轅鬻長馳註如淳

曰鬻鬻長貌無販謨官一切說文髮長也 古陌上桑樂

府爲人潔白皙髮髮頗有鬚說文鬚鬚也一日長貌 晉

陸璣毛詩草木鳥獸魚蟲疏白鷺頭上有毛十數枚長尺

餘毳毳然與衆毛異玉篇毳先含切音鑿毛長貌後人借

作花木長盛貌 楚辭劉向九歎服雲衣之披披王逸註

披披長貌也屈原九歌靈衣兮被被王逸註被被長貌一

作披洪興祖補註被與披同 又王逸九思冬夜兮陶陶

註陶陶長貌 離騷矯菌桂以紉蕙兮索胡繩之纚纚文

選劉良註纚纚索好貌唐孫樵興元新路記路傍樹往往

如挂塵纚纚而長從風紛然訊於薪者曰此泥榆也文

選西都賦註颯颯長袖貌廣韻羅所綺切音蹤唐韓愈

荅張徹詩石梁平佺佺說文佺長貌他鼎切晉顧凱之

雷電賦磕磕隆隆閃閃翼翼朱錢惟演春雪賦有并翼翼

有鳴嚶嚶案廣韻集韻韻會翼音絢又音訓廣雅遠也又

長也顧錢二賦俱用作平聲梁江淹青苔賦夜永永以

空長

洋洋扈扈熙熙央央莽莽并廣也

詩大雅牧野洋洋毛傳洋洋廣也禮檀弓南宮縚之妻

之姑之喪夫子誨之壘曰爾母扈扈爾鄭註扈扈謂太廣

魏文帝浮淮賦白旄沖天黃鉞扈扈左傳襄二十九年

廣哉熙熙乎周語熙廣也漢司馬相如長門賦覽曲臺

之央央文選李善註央央廣貌宋玉九辨汨莽莽而無

垠元包經晉埜井井傳埜井井地之廣也井與莽同

丕丕簡簡芒芒

茫茫許許

甫甫奕奕業業藐藐濯濯京京俁

俁俁詡詡曠曠

曠曠曠曠

盪盪渾渾

混混

汪汪顙顙

昊昊顙顙

閶閶佬

佬佬查查載載閼閼宏宏洪洪豐豐演演堂堂唐唐俟俟泱泱

槃槃漫漫迴迴

回回

恢恢皇皇駟駟酋酋豁豁大也

書立政以並受此丕丕基爾雅釋訓丕丕大也

詩周頌

降福簡簡毛傳簡簡大也又商頌宅殷土芒芒毛傳芒

芒大貌芒通茫晉束皙補亡詩茫茫九壤文選呂向註茫

茫大也

又大雅川澤訐訐毛傳訐訐大也太平御覽引

作訐訐

又魴魴甫甫毛傳甫甫然大也又奕奕梁山

毛傳奕奕大也

又赫赫業業朱傳業業大也又藐藐

昊天毛傳藐藐大也

又商頌濯濯厥靈毛傳濯濯大也

又小雅憂心京京朱傳京京亦大也

又邶風碩人侯

侯毛傳侯侯容貌大也朱傳侯侯大貌宋史樂章陰邑有

宮恤恤侯侯釋文引詩作個個止字通個與侯通

易林

離之中孚魴魴訐訐北周庾信宗廟歌齋房芝訐訐廣雅

訐訐大也

史記日者傳天地曠曠廣雅曠曠大也淮南

子兵略訓嚴嚴如夏註嚴同曠漢書燕王歇橫術何廣廣

兮註廣音曠荀子非十二子篇恢恢然廣廣然是父兄之  
容也楊倞註恢恢廣廣皆容衆之貌又通作壙新書修政  
語下篇天下壙壙一人有之漢書揚雄傳廓盪盪其亡  
雙師古註盪盪大也揚子法言問神篇虞夏之書渾渾  
爾五臣音註深大廣雅渾渾大也渾音魂通作混史記自  
序乃合大道混混與渾同晉郭璞題墓詩巨海混混與  
昆叶班固典引汪汪乎丕天之大律廣雅汪汪大也

唐陳子昂臨邛縣令封君遺愛碑聖人顥顥同昊案諸  
韻書顥昊俱胡老下老二切爾雅昊天疏昊者元氣博大  
之貌李巡曰夏萬物盛壯其氣昊昊故曰昊天釋名夏曰

昊天其氣布散顛顛也吳說文作界云春爲界天元氣界

界又與顛同廣雅顛顛大也案說文玉篇廣韻俱無顛字

王氏謂顛顛當作顛顛玉篇顛公老切廣大貌後漢書

張衡傳集太微之閭閭註閭閭明大也玉篇佬佬大貌

力彫切音遼集韻查查大貌徐嗟切音邪說文載大

也讀若詩載載大猷遲匹反玉篇引作載載太平經交

大閭閭註閭求晚切司馬光曰閭閭大貌也太平廣

記引集異記云山平卿撰蒼龍溪新宮銘云新宮宏宏

魏王粲遊海賦洪洪洋洋楚辭宋玉九辨歷羣靈之豐

豐方言豐大也又劉向九歎揚流波之潢潢王逸註潢



潢大貌 晉何晏景福殿賦建高基之堂堂文選李善註  
史記曰楚國堂堂之大也 玉篇堯稱唐者蕩蕩道德至  
大之貌說文唐大言也通雅唐唐猶堂堂也 說文俟大  
也引詩伾伾俟俟徐曰此直訓大竝俟字牀史反 漢書  
地理志泱泱乎大風也哉注泱泱宏大之意也 續晉陽  
秋時人語曰大才槃槃謝道安禮冠禮鄭註云弁之名出  
於槃槃大也 晉束皙補亡詩漫漫方輿迴迴洪覆文選  
李周翰註漫漫迴迴大貌迴通作回唐杜甫有事於南郊  
賦地回回而風淅淅 老子任爲篇天網恢恢疎而不失  
註天所網羅恢恢甚大晉束皙補亡詩恢恢大圜文選呂

向註恢恢大也 莊子知北遊其來無迹其往無崖無門

無房四達之皇皇也註皇皇通達貌案說文皇大也四達

皇皇正是大意 古音復字騶騶體貌大也騶魚容切玉

篇大貌 唐杜牧洛中送冀處士東遊詩壇宇寬帖帖符

采高酋酋 經典釋文施呂濊濊馬云大魚罔目大豁豁

也晉劉琨散騎常侍劉府君誄堂堂漢祖豁豁高韻史記

高祖紀意豁如也師古註豁然開大之貌

磴磴矜矜兢兢仡仡栗栗實實庚庚賴賴磴磴 經歷

經歷硤硤磬磬硤硤磬磬牢牢跼跼圉圉擊擊介介堅也

周武王刀銘刀利磴磴漢張衡思平賦行積冰之磴磴方

言磴堅也牛哀切

詩小雅矜矜兢兢不騫不崩毛傳矜

矜兢兢以言堅強也

又大雅崇墉仡仡朱傳仡仡堅強

貌

又實穎實栗毛傳栗其實栗然

又魯頌實實枚

枚朱傳實實鞏固也

說文庚位西方象秋時萬物庚庚

有實也徐曰史記曰大橫庚庚堅強之貌索隱曰庚庚猶

更更

說文聲車堅也聲與賴同廣雅賴賴堅也賴曹憲

音苦耕反衆經音義引廣雅作賴賴

集韻賴里黨切音

恒廣雅琅琅堅也

論語硤硤然小人哉何晏註硤硤猶

碌碌也朱註硤小石之堅確者通作硤晉書范宏之傳雖

有硤硤之稱而無大雅之致音義經當作硤亦作硤唐韓

愈城南聯句詩焉能守磴磴莊子至樂篇吾觀俗之所樂  
舉羣趨者誣誣然如將不得已釋文誣誣亡耕反又胡挺  
反李云趨死貌崔云以是爲非以非爲是爲誣誣本又作  
脛脛別雅脛脛誣誣脛脛硤硤硤硤硤硤也唐元結丹崖  
翁宅銘怪石臨淵硤硤自顛通雅硤硤蓋硤硤也案論語  
皇侃疏云硤硤堅正難移之貌也樂記石聲磬磬以立辨  
辨以致死史記樂書磬作硤集解引王肅註云硤聲果勁  
也釋名磬磬也其聲磬磬然堅緻也並聲近而義同硤古  
磬字老子法本篇硤硤如石韻會硤歷各切音洛硤硤  
石堅不相入貌唐李賀唐兒歌頭玉硤硤眉刷翠玉篇

磽堅硬也

唐釋齊己讀李白集詩竭雲濤劔巨鼈搜括

造化空牢牢

太子經逃利逃跼跼盜德嬰城陳漸註跼

音餅又蒲賢切字書跼底皮堅也

唐韻圉圉硬貌陟革

切音責

說文擊固也从手取聲讀若詩赤舄擊擊苦閑

反今幽風作几几長箋指爲逸詩

唐韓愈法曹參軍盧

君墓銘介介其守

烝烝振振蚩蚩戎戎

戎戎

濃濃穠穠塗塗嚙嚙湛湛種種惇惇

醇醇涓涓俸俸腆腆厚也

詩魯頌烝烝皇皇毛傳烝烝厚也後漢書吳祐傳論吳季

英視人畏傷發言烝烝似夫懦者而懷憤激揚折讓權枉

又何壯也案其語意烝烝是仁厚貌註言烝烝猶仍也可

以意會之 又周南宜爾子孫振振兮毛傳振振仁厚也

又振振公子毛傳振振信厚也 又衛風氓之蚩蚩毛傳

蚩蚩敦厚之貌後漢書崔駰傳註引詩云蚩蚩殷厚之貌

又召南何彼穠矣毛傳穠猶戎戎也唐杜甫放船詩江

市戎戎暗韓詩作莪莪集韻莪莪厚貌通作戎案漢石經

何彼穠矣字從衣說文禮衣厚貌引詩與石經同唐張參

五經文字云禮從禾者論 又小雅零露穠穠毛傳穠穠

厚貌唐杜甫朝獻太清宮賦至精濃濃唐李嶠徐襄州碑

銘公仁之豐沈積濃濃 楚辭劉向九歎白露紛以塗塗

王逸註塗塗厚貌

漢書樂志羣生嘒嘒惟春之祺師古

註嘒嘒豐厚之貌也音徒感切

又司馬相如傳紛湛湛

其差錯師古註湛湛積厚之貌音徒感切楚辭屈原九章

忠湛湛而願進王逸註湛湛重厚貌湛又叶羊戎切音容

宋玉九辨乘精氣之搏搏兮驚諸神之湛湛騷白霓之習

習兮歷羣靈之豐豐

莊子肱篋篇舍夫種種之機而悅

夫役役之佞釋文種種章勇反李云謹慤貌一云淳厚也

後漢書第五倫傳論惇惇歸諸寬厚註惇惇純厚之貌

也老子順化篇其政悶悶其民醇醇註政教寬大故民

醇醇富厚相親睦也醇音純呂氏春秋士容篇滔滔乎慎

謹畏化而不肯自足

道德指歸論沌沌僭僭不曉東西

集韻僭音蠢厚也

說文腴設膳腴腴多也他典切玉篇

厚也

顯顯

憲憲

光光班班章章

彰彰

皦皦灼灼

焯焯

的昭昭炤炤秩秩

載載

皎皎爽爽察察的的聆聆朗朗折折雕雕赫赫扶扶鄂鄂

翼翼忽忽邴邴曠曠鮮鮮

鱗鱗

漻漻燎燎明也

詩大雅顯顯令德毛傳天嘉樂成王有光光之善德也廣

雅顯顯著也中庸引詩作憲憲令德憲呼典切音顯韻會

興盛貌正字通憲有顯示之義唐韓愈贈元十八詩冠珮

立憲憲押入上聲蓋用此

漢書敘傳子明光光發迹西



梁樂府月明光光星欲墜 後漢書趙壹傳不敢班班

顯言竊爲窮鳥賦一篇註班班明貌 史記貨殖傳此其

章章尤異者也呂氏春秋本篇萬物章章高誘註章章

明美貌與彰通道德指歸論顯的的以彰彰 史記天官

書此其皦皦大者註索隱曰皦皦事之分明也 詩周南

灼灼其華毛傳灼灼華之盛也廣雅灼灼明也漢書外戚

傳咎敗灼灼若此豈可以忽哉師古註灼灼明白貌也新

書何奴篇若日出之灼灼通作焯音酌說文明也引書焯

見三有俊心今書立政作灼唐鄭薰楚國公仇士良碑銘

焯焯楚公俊父邁德 漢司隸校尉忠惠魯君碑喚矣的

的張受先東漢文選註的灼也與樂叶莊子達生篇昭  
昭乎若揭日月而行也禮中庸今夫天斯昭昭之多鄭註  
昭昭猶耿耿小明也昭章遙反本亦作炤同荀子儒效  
篇炤炤乎其用智之明也楊倞註炤炤明見之貌與照同  
詩大雅德音秩秩箋教令清明也秦風秩秩德音毛傳  
秩秩有知也知音智爾雅釋訓秩秩智也又秩秩清也采  
書王微傳巖穴人情所高吾當得此則雞鶩變作鳳凰何  
爲干饒廉隅秩秩見於面目又小雅秩秩大猷毛傳秩秩  
進知也說文戠大也讀若詩戠戠大猷徐曰今詩借秩  
楚辭屈原九歌夜皎皎兮旣明廣雅皎皎明也洪興祖楚

辭補註皎字从日與皎同南史何子朗傳子朗早有才

思周捨每與談服其精理世人語曰人中爽爽有子朗

世說新語刁斗亮之察察唐李白明堂賦聽天語之察察

廣雅察察著也唐黎逢觀風臺賦衣冠察察淮南子說

林訓的的者獲高誘註的的明也爲衆所見故獲陳徐陵

與楊僕射書的的宵烽淮南子齊俗訓不通於道者若

迷惑告之以東西南北所居聆聆高誘註聆聆猶了了言

迷解也世說新語時人目夏侯太初朗朗如日月之入

懷唐韓愈奉使常山詩朗朗聞街鼓管子內業篇折折

乎如在其側註折折明貌言心明察若在其側荀子議

兵篇雕雕焉懸貴爵重賞於其前楊倞註雕雕章明之貌猶昭昭也詩小雅赫赫南仲朱傳赫赫威名光顯也廣

雅赫赫明也漢孔廟置守廟百石卒史孔龢碑讚曰巍巍

大聖赫赫彌章張受先東漢文選註云赫赫也集韻赫赫

旱切盤去聲並行也輦字從此又小雅鄂不韡韡毛傳

鄂猶鄂鄂然言外發也朱傳鄂鄂然外見之貌晉束皙

補亡詩顯猷翼翼廣雅翼翼明也爾雅釋詁翌明也郭璞

註引金縢翌日乃瘳案翌爲明日之明又爲明顯之明字

通作翼呂氏春秋下賢篇忽忽乎其心之堅固也高誘

註忽忽明貌案此則忽與聰明之聰同莊子大宗師

廣雅曠曠明也



磷磷

漆

劉劉  
冷

水清底見也引詩作湜湜其止常職切唐柳宗元邕州刺史李公墓誌銘湜湜李公惟道之宣又唐風白石粼粼

毛傳粼粼清澈也宋方岳寄友人詩霜蓬肯負月粼粼通作磷魏劉楨贈從弟詩磷磷水中石文選李善註引毛詩作白石磷磷張銑曰磷磷水中見石貌又通作潏唐杜甫雜述文泗水潏潏瀾以清潏音鄰玉篇水清貌與鄰通

道德指歸論倖倖漻漻消如冰釋唐李華高宗無疆頌漻漻景風扇彼嘉穀又李商隱楚宮詩湘波如淚色漻漻說文漻音聊情深也又音留與瀏同宋蘇軾與子由同游靈溪西山詩瀏瀏霜雪鳴寒溪晉陸機文賦音泠泠而盈

耳文選呂向註泠泠盈耳音韻清也又陸機招隱詩山溜

何泠泠

世說新語洮洮清便註言洮洮世故之外而清

且便也洮土刀切音叨

春秋繁露山川頌部防止之能

淨淨既似知命者

後漢書張衡傳出紫宮之肅肅註肅

肅清也釋名肅肅也其聲肅肅然清也

唐韋應物休沐

東還詩泓泓野泉潔說文泓水清貌唐李賀秦王飲酒詩

青琴醉眼淚泓泓

晉阮修詩澄澄綠水唐李藝通金吾

將軍隴西李公墓銘澄澄汪容

唐杜甫漫成詩江流泯

泯清

井井察察皎皎滌滌

爾雅滌滌濯濯洗洗潔也

易井往來井井疏正義曰此明性常井井潔靜之貌也往  
者來者皆使潔靜不以人有往來改其洗濯之性故曰往  
來井井也 楚辭屈原漁父安能以身之察察受物之汶  
汶者乎王逸註察察清潔也呂向註潔白也孫奭孟子疏  
介士察察 晉陸機擬古詩皎皎彼姝女文選呂向註皎  
皎明潔貌 詩大雅滌滌山川毛傳滌滌旱氣也朱傳謂  
山無木川無水如滌而除之也說文引詩作薇薇草旱盡  
也玉篇引詩作薇薇薇又音焦旱山無草曰薇 孟子是  
以若彼濯濯也趙註濯濯山禿貌朱註光潔之貌唐柳宗  
元東平呂君諫濯濯夫子故觀其儀 采黃庭堅寄李德



更詩原田水洗洗何時稼如雲

枚枚縣縣緻緻沐沐密也

詩魯頌實實枚枚毛傳枚枚襲密也

又周頌縣縣其廬

爾雅釋訓疏孫炎曰縣縣言詳密也魏曹植洛神賦思縣

縣而增募文選李善註縣縣密意也

唐韓偓履子詩太

寸圓唐光緻緻說文緻密也

梁簡文南郊頌故以熊熊

灼灼炫兩明而仰七曜紛紛沐沐承五煙而帶三靈太平

經少密雨溟沐註溟沐細密之雨也案沐沐亦細密意

坦坦

坦坦

殖殖

殖殖

跣跣

跣跣

町町

町町

浼浼

浼浼

漫漫

漫漫

昀昀

昀昀

草草衍衍旃旃平也

易履履道坦坦疏坦坦平易之貌釋文引廣雅坦坦明也  
案今廣雅坦坦平也管子極言篇坦坦之利不以功坦坦  
之備不爲用注坦坦謂平平荀子王霸篇是墾墾非變也  
楊倞註墾與坦通言坦坦然無變也坦儻旱切灘上聲通  
作壇司馬彪子虛賦註壇曼平博也亦作直音同新書君  
道篇引書曰大道亶亶其去身不遠詩小雅殖殖其庭  
毛傳殖殖言平正也殖通植宋歐陽修合聖宮頌庭今植  
植又小雅蹢蹢周道毛傳蹢蹢平易也又鄭風東門  
之墠毛傳墠除地町町者釋名鄭町也地多平町町然也  
又邶風河水浼浼朱傳浼浼平也揚子法言問神篇

商書灝灝爾五臣音註云夷曠宋咸曰灝灝猶漫漫也廣  
雅漫漫平也南朝宋沈約早發定山詩歸海流漫漫文選  
呂向註漫漫平流貌晉束皙補亡詩蕩蕩夷庚廣雅蕩  
蕩平也晉左思魏都賦原隰眇眇文選呂向註眇眇平  
坦貌元包經規均均說文均平也釋名置覃也布之覃  
覃然平正也又延衍也舒而平之衍衍然也又種旗  
也毛相著旃旗然也

卷二

樂亭 史夢蘭 香厓

堂堂

棠棠赫赫焯焯

焯焯漁漁

浮浮淒淒萋萋且且蓬蓬

蓬蓬裳裳

裳裳

駸駸彭彭弗弗叩叩烝烝皇皇耳耳

緝緝

振振淠淠泥泥

鑣鑣孽孽滑滑洋洋渙渙旁旁

勝勝

濟濟藹藹驛驛

釋釋軟軟

嗶几几渠渠焯焯童童教教

勃勃字字

翼翼鏘鏘闕闕

填填填填

震震歔歔閑閑隱隱殷殷閭閭裏裏

裏裏

歔歔曄曄馮馮軫軫

軫軫沈沈溶溶侈侈習習慕慕采采益益茫茫沈沈茂茂裔裔

瑱瑱菲菲晏晏雄雄蒙蒙薤薤

疑疑

猗猗駢駢酣酣斟斟闕闕

闕闕烈烈汪汪郁郁或或

穢穢

英英盛也

論語堂堂乎張也邢疏堂堂容儀盛貌後漢書伏湛傳容  
貌堂堂國之光輝通作棠漢司隸較尉忠惠魯君碑棠棠  
忠惠隸辨云棠棠作堂堂詩小雅赫赫南仲毛傳赫赫  
盛貌又暉暉焯焯毛傳焯焯盛也釋文焯本又作暉同  
漢書韋元成傳作暉暉推推又雨雪濈濈箋雨雪之盛  
濈濈然漢書劉向傳引詩作熙熙又雨雪浮浮毛傳浮  
浮猶濈濈也濈蕭尤二韻通大雅江漢浮浮毛傳浮浮衆  
彊也朱傳水盛貌唐劉巖夫植竹記翠筠浮浮又周南  
維葉萋萋毛傳萋萋茂盛貌小雅有渰萋萋毛傳萋萋雲  
行貌朱傳盛貌說文引詩作有渰淒淒云雲雨起貌秦風

兼葭萋萋漢石經亦作淒淒晉潘岳藉田賦襲春服之襲  
萋文選李周翰註萋萋色盛貌周頌有萋有且箋其來威  
儀萋萋且且疏萋萋且且威儀多之狀且七序切萋七稽  
切音妻又此禮切音泚左思魏都賦珍樹猗猗奇卉萋萋  
蕙風如薰甘露如醴又小雅其葉蓬蓬毛傳蓬蓬盛貌  
漢高誘淮南子敘時民歌之曰一尺繒好童童一升粟飽  
蓬蓬蓬通作逢墨子耕柱篇夏后開鑄鼎於昆吾使翁難  
乙灼目若之龜繇曰逢逢白雲逢音蓬又小雅裳裳者  
華毛傳裳裳猶堂堂也古本作常廣雅常常盛也又小  
雅四牡騤騤毛傳騤騤彊也廣雅騤騤盛也漢張衡南都

賦駟飛龍兮騖騖

又大雅駟駟彭彭疏彭彭然皆強盛

魯頌以車彭彭毛傳彭彭有力有容也

又大雅臨衝芾

芾毛傳芾芾彊盛貌

又大雅順順叩叩毛傳叩叩盛貌

又魯頌烝烝皇皇朱傳烝烝皇皇盛也

又六韜耳耳

毛傳耳耳然至盛也耳與糾通玉篇糾轡盛貌釋名輶耳

也縣於左右前後銅魚搖絞之屬耳耳然也又周南宜

爾子孫振振兮朱傳振振盛貌左傳僖五年均服振振杜

註振振盛貌

又小雅萋萋泂泂毛傳泂泂衆也廣雅泂

泂茂也衆茂俱是盛意

又邶風河水浼浼釋文浼每

罪反韓詩作泥泥云盛貌

又衛風朱幘鑣鑣毛傳鑣鑣

盛貌

又庶姜孽孽毛傳孽孽盛貌也漢李尤東觀賦東

觀之蒻孽孽洋洋

又唐風其葉湑湑朱傳湑湑盛貌釋

文湑湑私敘反不相比次也小雅零露湑湑兮疏湑湑露在

物之狀唐柳宗元湘源二妃廟碑南風湑湑揮塵餘話蔡

元長侍燕太清樓誦曰有石巖巖有泉湑湑

又衛風河

水洋洋毛傳洋洋盛大也論語洋洋乎盈耳哉朱註洋洋

美盛意中庸洋洋乎如其上如其左右朱註洋洋流

動充滿之意

又鄭風溱與洧方渙渙兮毛傳渙渙盛貌

渙叶于元切

又駟介旁旁廣雅旁旁盛也說文引詩作

騁騁云馬行貌廣雅馬盛貌

書大禹謨濟濟有衆孔傳



濟濟衆盛之貌

詩大雅藹藹王多吉士毛傳藹藹猶濟

濟也爾雅釋訓藹藹濟濟止也註皆賢士盛多之容止南

史虞玩之傳玩之東歸朝廷無祖餞者劉休與親知書曰

虞公散髮海隅同古人之美而東都之送殊不藹藹晉東

皙補亡詩瞻彼崇丘其林藹藹文選張銑註藹藹茂盛貌

詩周頌驛驛其達朱傳驛驛苗生貌廣雅驛驛盛也爾

雅釋訓作釋釋云生也漢揚雄甘泉賦迺望通天之釋釋

文選李善註引薛君韓詩章句云釋釋盛貌又商頌庸鼓

有歎毛傳歎歎然盛也又魯頌新廟奕奕王肅註云奕奕

盛大周官隸僕註引作寢廟釋釋玉篇畢生也案集韻

驛繹歎奕畢並夷益切音亦驛繹畢之訓爲生者亦言其  
生之盛也奕又叶弋灼切晉陸機七徵敷延袤之廣廡矯  
陵霄之高閣秀清輝乎雲表騰藻蔭之奕奕 **又幽風**赤

舄几几廣雅几几盛也太平經親飲食几几註几几偕也

**又秦風**夏屋渠渠廣雅渠渠盛也 **天雅**王旅嘽嘽毛

傳嘽嘽然盛也 **爾雅**釋訓焯焯烝也註氣出盛貌疏大

雅生民云烝之浮浮毛傳浮浮氣也焯浮音義同 **蜀志**

先主舍東南角桑樹童童如小車蓋註童童盛貌藝文類

聚引作幢幢 **淮南子**時則訓敦敦陽陽惟德是行養長

化育萬物繁昌敦音字與勃同廣雅勃勃盛也勃蒲沒切

通作字漢書文帝紀註字星光芒短其光四出蓬蓬字字也案廣韻字有蒲昧蒲沒二切徐氏解說文引論語色勃如也作字如一切經音義淳淳聲類亦勃字同蒲沒反廣雅淳盛也漢張衡東京賦京邑翼翼文選薛綜註翼翼禮儀盛貌廣雅翼翼盛也晉左思魏都賦重闔洞出鏘鏘濟濟文選劉良註鏘鏘濟濟衣冠盛貌文中子述史篇子將之陝門人從者鏘鏘然被於路廣雅鏘鏘盛也說文闕盛貌又嘖盛氣也引詩振旅嘖嘖笛前反今小雅作闕闕廣雅闕闕盛也漢書樂志泛泛溟溟從高旂應劭註溟溟盛貌也晉潘岳藉田賦震震填填塵鷺連天文選李

善註震震盛也震音眞劉良註填填車馬衆貌案國噴填  
填並徒年切音田義亦相通

**廣雅**慨盛也**集韻**慨徒

威切音毳又虛金切音欣火盛貌

**又**閑閑盛也王氏疏

證大雅皇矣篇臨衝閑閑崇墉言言臨衝萑萑崇墉仡仡  
傳云閑閑動搖也言言高大也萑萑彊盛也仡仡猶言言  
也案言言仡仡皆謂城之高大則閑閑萑萑亦皆謂車之  
彊盛萑萑與勃勃同廣雅以閑閑勃勃俱訓爲盛蓋本諸  
三家也案王氏所論頗通字典門部及韻府彙韻閑字下  
俱引廣雅閑閑盛也則是閑當作閉二者必有一誤

**漢**

司馬相如上林賦沈沈隱隱文選李善註隱隱盛貌

**史**

記蘇秦傳鞫鞫殷殷若有三軍之衆註鞫鞫殷殷盛貌隱  
於謹切音隱 漢司馬相如長門賦芳酷烈之閭閭文選

李善註酷烈閭閭香氣盛也問魚斤切 漢書敘傳樂安

裊裊古之文學師古註裊裊盛貌裊亦作裊集韻裊裊禾

黍盛貌 又敘傳成都煌煌假我明光曲陽歛歛亦朱其

堂師古註歛歛氣盛也音許驕反宋黃公紹引漢書作歛

歛歛同歛 又敘傳世宗晔晔師古註晔晔盛貌又樂志

華晔晔固靈根 又樂志桂華馮馮翼翼師古註馮馮盛

滿也太平經廓百辟馮馮註馮古憑字馮馮盛多貌 漢

揚雄羽獵賦殷殷軫軫文選李善註殷軫盛貌也史記律

書軫者言萬物益大而軫軫然也

漢書樂志沈沈四塞

註孟康曰沈音充師古曰沈沈流行之貌也揚雄羽獵賦

沈沈溶溶遙曠乎紘中文選呂向註沈沈溶溶禽獸奔走

貌又萃從沈溶註李善曰沈溶盛多之貌也南朝宋沈約

遊仙詩玉鑾隱雲霧溶溶紛上馳

晉左思蜀都賦侈侈

隆富卓鄭埒名文選呂延濟註侈侈盛貌

又魏都賦習

習冠蓋文選張銑註習習盛也

漢張衡思平賦建罔車

之幕幕文選劉良註幕幕盛也

漢彌衡鸚鵡賦采采麗

容文選註薛君韓詩章句曰采采盛也毛詩秦風傳采采

猶萋萋也

孟子益於背趙註其背益益然盛朱註豐厚

盈溢之貌韓詩外傳子貢曰賜之師何如姑布子卿曰得堯之顙舜之目禹之頸皋陶之喙從前視之盎盎乎似有王者從後視之高肩弱脊此惟不及四聖者也淮南子

似真訓茫茫沈沈是謂大治高誘註茫茫沈沈盛貌茫讀王莽也沈讀水出沈沈正白之沈又天文訓斗指卯卯

則茂茂然律受夾鍾茂音懋又音末周武王筆銘毫毛茂茂陷水可脫陷文不可活太平經交物登明堂喬喬皇

皇註喬音聿王涯曰喬喬皇皇明盛之貌揚子法言孝

至篇武義璜璜兵征四方五臣音註吳祕曰璜璜猶言煌煌也司馬光曰璜音黃離騷芳菲菲其彌章王逸註菲

非猶勃勃也晉左思吳都賦匪匪非非文選李周翰註匪

匪盛貌非非美貌集韻非草盛貌 宋玉九辨被荷裊之

晏晏王逸註晏晏盛貌也 楚辭大招雄雄赫赫王逸註

威勢盛也集韻爾雅釋訓薨薨增增衆也顧舍人本薨薨作

雄雄註云皆衆夥之貌衆夥卽盛意 漢東方朔七諫微

霜降之蒙蒙王逸註蒙蒙盛貌 詩小雅黍稷薿薿箋薿

薿然而茂盛唐韓愈秋懷詩窗前兩好樹衆葉光薿薿漢

書食貨志引詩薿薿作疑疑疑與薿通唐王光庭送張說

巡邊詩虎貌紛疑疑白帖引詩又作疑唐柳宗元平淮夷

雅歌王師嶷嶷 詩衛風綠竹猗猗毛傳猗猗美盛貌魏



稽康琴賦微風餘音靡靡猗猗文選註猗猗衆盛貌猗於  
离切音漪又叶於何切音窩毛詩猗猗與下磋磨爲韻

唐歐陽詹迴鑾賦振振駢駢宋蘇洵張尚書畫像記公在  
西園草木駢駢唐崔融寒食題臨江驛詩桃李正酣酣

說文𦵏𦵏盛也汝南名鰲盛曰𦵏徐曰詩曰宜爾子孫  
蟄蟄兮蟄衆也此𦵏義近之也姊入反又閭闔盛貌从  
門堂意兼聲太平經將日失烈烈范望註烈烈盛也

唐杜殷華嚴寺杜順和尚行記甲鎧汪汪論語郁郁乎  
文哉朱註郁郁文盛貌史記天官書郁郁紛紛蕭索輪囷  
是謂卿雲文顧頊紀其色郁郁漢張衡南都賦紛郁郁其

難詳文選張銑註郁郁眾美貌郁與或通晉何晏景福殿  
 賦嗟瓌璋以壯麗紛或或其難分文選呂延濟註紛或或  
 文章多貌案眾美文章多正是盛意詩小雅黍稷或或毛  
 傳或或茂盛貌與秬同玉篇秬秬黍稷盛貌案或又音越  
 逼切與下酒食叶 吕氏春秋古樂篇其音英英註英英  
 和盛之貌

莫莫天天

妖妖

蓁蓁

榛榛

萃萃

穉穉

穉穉

送

幪幪

蒼蒼

青青

菁菁

楚楚

牂牂

藏藏

肺肺

市市

驕驕

喬喬

桀桀

芄芄

芄芄

芊芊

芊芊

莽莽

莽莽

蓊蓊

萋萋

拂拂

蔚蔚

蔚蔚

葆葆

芄芄

芄芄

稽稽

厭厭

稊稊

與與

稊稊

翼翼

袖袖

油油

苑苑

鬱鬱

沈沈

依依

毛傳藁藁至盛貌齊詩作其葉演演漢班固靈臺詩白藪

漆漆後漢書註漆漆盛貌漢書司馬相如傳覽竹林之漆  
漆師古註漆漆盛貌又藝文志息夫躬詩叢棘棧棧集韻  
棧音榛衆盛貌漢王逸荔枝賦綠葉臻臻南朝宋謝惠連  
仙人草贊莫莫臻臻案玉篇臻訓聚訓眾亦是盛意與蓁  
漆漆音義並同又大雅蓁蓁萋萋毛傳梧桐盛也又風  
賦嗒嗒毛傳嗒嗒然多實也說文呿字註云讀若詩曰瓜  
瓞蓁蓁案說文嗒字只訓大笑無多實之義多實似應從  
蓁說文所引詩當是古本廣雅蓁蓁茂也集韻呿瓜多實  
貌引詩瓜瓞呿呿云通作嗒又大雅禾役穰穰毛傳穰  
穰苗好美也說文穰禾采之見引詩云穰或從艸又通作

遂符夏侯湛春可樂賦麥遂遂以揚秀 又大雅麻麥幪

幪毛傳幪幪然盛茂也 又秦風蒹葭蒼蒼毛傳蒼蒼盛

也 又衛風芣苢青青毛傳青青茂盛也朱傳堅剛茂盛

之貌青音精或作菁唐風其葉菁菁小雅菁菁者莪韓詩

引作蔡蔡集韻引作萍萍云茂貌通作菁 又小雅楚楚

者茨朱傳楚楚盛貌 又陳風其葉牂牂毛傳牂牂然

盛貌牂茲郎反音臧與藏通廣雅藏藏茂也又通作將易

林革之大有南山之楊其葉將將 又陳風其葉肺肺毛

傳肺肺猶牂牂也肺音貝尸與芾通廣雅芾芾茂也說文

作市草木盛市市然讀若輩 又齊風雜莠騶騶朱傳騶

驕張王之意通作喬揚子法言修身篇田甫田者秀喬喬

廣韻喬音驕禾秀貌通作驕

又雅莠桀桀毛傳桀桀猶

驕驕也

又鄘風芄芃其麥毛傳麥芃芃然方盛長曹風

芃芃黍苗毛傳芃芃美貌小雅芃芃黍苗毛傳芃芃長大

貌天雅芃芃棫樸毛傳芃芃本盛貌說文芃草盛也從艸

凡聲徐曰汎汎然若風之起也父忠反廣韻漢都鄉正衛

彈碑梵梵黍稷借作芃芃案梵有房戎扶風二切並音馮

木得風貌類篇風行木上曰飡或作梵

列子力命篇齊

景公遊於牛山北臨其國城曰美哉國乎鬱鬱芊芊廣雅

芊芊茂也通作阡南齊謝朓遊東田詩遠樹曖阡阡文選

李善註阡與芊同亦作仟仟呂向註仟仟茂美貌晉潘岳  
懷縣詩稍栽肅仟仟 楚辭天問草木莽莽王逸註莽莽  
草深貌通作𦵏廣雅𦵏𦵏茂也 魏武帝氣出唱樂府乘  
雲駕龍鬱何蓊蓊武道切音媚廣雅蓊蓊茂也 玉篇  
蓊花美也音皇廣雅蓊蓊茂也 說文𦵏道多草不可行  
廣雅𦵏𦵏茂也 夏小正拂桐芭傳云言桐芭始生貌拂拂  
然拂與𦵏同唐顧况公子行紅肌拂拂酒光凝 漢張衡  
東京賦鬱蓊蓊蓊註草木盛貌廣雅蓊蓊茂也 漢饒歌  
上陵醴泉之水光澤何蔚蔚晉傅玄李賦嘉列樹之蔚蔚  
廣雅蔚蔚茂也 漢書燕刺王旦傳頭如蓬葆註葆草木

叢生之貌廣雅葆葆茂也 詩大雅維葉泥泥釋文泥泥  
張揖作芄芄云草盛也案今廣雅云芄芄茂也齊夫論德  
化篇引詩作柎柎晉左思蜀都賦總莖柎柎文選劉淵林  
註柎柎茂盛貌也 廣韻稍稍苗齊等也一鹽切音厭通  
作厭周頌厭厭其苗箋眾齊等也疏厭厭者苗長茂盛之  
貌案厭於豔切又於鹽切同厭足也稍稍又於禁切音蔭禾  
苗茂盛也 集韻稷稷黍稷美也稷羊茹切音豫通作與  
平聲又稊稊黍稷蕃蕪貌程逸織切音弋亦作翼詩小雅  
我黍與與我稷翼翼箋與與翼翼蕃蕪貌 集韻袖袖禾  
黍盛也唐元結樂歌其生如何兮袖袖通作油晉左思蜀



都賦黍稷油油文選張銑註油油茂盛貌毛詩小雅傳

苑茂木也苑於阮切音婉又紆勿切音鬱與鬱通文選古

詩鬱鬱園中柳註鬱鬱茂盛也案古本文選鬱鬱作苑苑

苑又叶平聲楚辭劉向九歎芳若茲而不御兮指林薄而

苑苑子僑之奔走兮申徒狄之赴淵漢張衡南都賦森

蓊蓊而刺天文選李善註茂盛貌說文蓊叢木也茲損切

甫齊謝朓始出尚書省詩衰柳尚沈沈文選李周翰註

沈沈茂盛也晉潘岳金谷集作詩青柳何依依文選李

善註韓詩楊柳依依薛君曰依依盛貌易林歸妹之鼎

夏麥嶺嶺霜擊其芒嶺同嶺古猛切音礦玉篇大麥也

陳新蔡王籟記明庶風賦漸漸其秀麥埤蒼漸漸麥秀  
貌〔集韻〕作薪薪通作漸〔史記〕宋微子世家麥秀漸漸兮漸  
子廉反〔後漢書〕梁鴻傳麥含含兮先秀註麥含含盛貌  
〔漢書樂志〕蔓蔓日茂芝成靈華師古註蔓蔓言其長久  
日以茂盛也〔晉〕左思蜀都賦布綠葉之萋萋結朱實之  
離離〔文選〕呂向註萋萋離離茂盛貌〔唐〕竈岸上陽宮感興  
詩愁雲漠漠草離離〔又〕溫庭筠郭處士擊瓠歌三十六宮  
花離離〔晉〕陸雲九愍悲江草之芸芸〔詩〕小雅裳裳者華  
芸其黃矣毛傳芸黃盛也釋文芸音云徐音運〔集韻〕蕓  
蕓草木盛貌皮水切音憑〔又〕穉穉禾苗美也衣廉切音

淹又蓑蓑艸木葉茂兒蓑所乖切莊子德充符受命於

地唯松柏獨也在冬夏青青如字張由詩其雨復其

雨豆稀草萋萋漢書樂志豐草萋萋註草盛貌萋音腰又於

笑切義同唐韓愈別知賦樹蓊蓊其相樛集韻鄔孔切

翁上聲蓊鬱草木盛貌唐白居易有木詩有木香萋萋

類篇萋草盛貌唐皇甫湜春心文章萋萋兮既長說文

萋草萋萋貌孔逢反唐皮日休九諷彼羣小之萋萋兮如

慕晁之盤蜉後漢書光武帝紀望氣者至南陽曰氣佳

哉鬱鬱蔥蔥然南齊王儉靈丘竹賦幹蔥蔥而特秀

元結望仙府詩雲溶溶兮木杳杳音琛說文木枝條杳

儷貌徐曰繁蔚貌

〔又〕韓愈感春詩蘊蘊新葉大玉註蘊

蘊翠色貌

〔又〕沈顏化洽亭記蘭蘭青青疎篁盈庭案揚

子太半經萬物芄蘭註芄蘭茂密也蘭蘭當卽芄蘭之義

〔又〕元結補樂歌植植萬物兮汨汨根莖 〔宋〕玉高唐賦

涉莽莽馳萃萃文選李善註萃萃草貌劉良註草聚生貌

唐韓愈孟郊城南聯句騁遙略萃萃

〔集韻〕蕭眠見切音

麴蕭蕭草貌

〔字彙〕蕭蕭去聲蕭蕭草貌

〔說文〕蕭草木

華蕭蕭然也徐曰蕭之言涌也若水涌出也與恐反 〔又〕

半草盛半半也從生上下達也徐曰察草之生上盛者其

下必深根也蕭豎反

〔无〕射楊柳方方倉庚囀止案方方

二字可從毛詩既方既皂實方實苞會意

業業業業言言业业危危业业翹翹业业危危业业嶢嶢业业嶢嶢业业岌岌业业險險业业戲戲业业攸攸业业

孽孽危也

詩大雅兢兢業業毛傳業業危也漢張衡西京賦反宇業

業文選註大屋飛邊頭瓦皆微使反上其形業業然通作

業宋石介慶厯聖德頌汝時小臣危言業業天雅崇墉

言言业业言言业业猶孽孽將壞貌又崇墉危危釋文危危魚

乙反韓詩云搖也又幽風予室翹翹毛傳翹翹危也

易困困于葛藟于臲臲业业疏正義曰葛藟引蔓纏繞之草臲

臲動搖不安之貌臲魚列切臲音兀臲或作鰥廣雅鰥鰥

哢哢危也

後漢書黃瓊傳哢哢者易缺廣雅哢哢危也

孟子天下殆哉岌岌乎朱註岌岌不安貌漢書韋賢傳岌岌其國師古註岌岌危動也

漢枚乘七發險險戲戲

文選李周翰注險戲危貌戲許宜反

唐柳宗元晉問攸

攸恤恤卒自既賊左傳湫乎攸乎註攸懸危也

集韻孽

孽將壤貌

耳耳胸胸嬌嬌軼軼儒儒柔也

詩魯頌六轡耳耳朱傳耳耳柔從也

管子小問篇苗始

其少也胸胸乎何其孺子也房註胸胸柔順貌穀苗始則

柔順故似孺子也

漢王褒洞簫賦優嬌嬌以婆娑文選

李善註嬈嬈柔弱也李周翰曰柔雅貌嬈伊烏切音杏

玉篇納納奕也奴答切音納 楊奐東遊記子美浮雲連

海岱平野入青徐登南樓詩也徐在南四百里青在東北

七百里海在東北又不啻千里岱岳百餘里二三千

遙一舉而至其與終身拘拘儒儒於百里之內者不亦異

乎說文儒柔也

嫋嫋

袅袅

集集

在在

姍姍

姍姍

邑邑

邑邑

爰爰

羅羅

靡靡

嫋嫋

娜娜頽頽弱也

漢卓文君白頭吟竹竿何嫋嫋廣雅嫋嫋弱也嫋與鼻通

晉陸機擬古詩白楊信袅袅文選李周翰註袅袅貌李

善作裏裏裏與裏同南朝朱鮑照妹令暉擬青青河畔草  
樂府裏裏凌窗竹北周庾信幽國公趙廣墓誌銘在在  
風流廣雅集集弱也北魏高允羅敷詩妍妍善趨步廣  
雅妍妍弱也案詩小雅毛傳在在柔意也在在集通柔與  
妍通魏曹植美女篇柔條紛冉冉說文作冉冉云毛冉冉  
也徐曰冉冉弱也魏王粲迷迭賦挺冉冉之柔莖冉冉苒  
苒並與妍妍同說文嫵妍也妍弱長貌楚辭劉向九歎張  
絳帷以襜襜兮風邑邑而蔽之王逸註邑邑微弱貌也

唐元稹夜池詩荷葉團團莖削削晉傅平李賦美弱枝  
之爰爰唐郭元超水藻賦蘿蘿靡靡洪興祖楚詞補註



霍靡弱貌霍音髓 唐元結訟木魅辭楮橈橈兮未堅

漢書外戚傳何姍姍其來遲藝文類聚作偏娜娜何冉冉

其來遲宋梅堯臣和永叔子履冬夕小齋聯句詩萬柳枝

娜娜 集韻顙顙頭貌一日弱也時鵲切音甚

纖纖 摻摻纖纖纖纖縣縣蘭蘭碎碎屑屑霍霍靡靡豐豐絲絲

縷縷細也

詩魏風摻摻女手毛傳摻摻猶纖纖也荀子大略篇禍之

所由生也生自纖纖也楊倞註自纖纖微細纖通作摻唐

韓愈酬司門盧雲夫詩樓頭完月不共宿其奈就缺行纖

摻或作纖太平經斂斂纖纖范望註纖息廉切纖纖少

也司馬光曰墨貪也小人貪於聚斂喜見小利廣韻鐵細也爾雅釋水註漑纔有貌將廉切音尖瑯嬛記誰謂長河水化爲漑漑流詩大雅縣縣瓜瓞疏微細之辭禮玉藻言容繭繭疏繭繭猶縣縣聲氣細微晉陸機爲周夫人贈車騎詩碎碎織細練梁江淹水上神女賦雨屑屑而稍落後漢書崔駰傳子笑我之沈滯吾亦病于屑屑而不已也注屑屑猶區區也南齊謝朓思歸賦睇微英之霍霍集韻霍霍細貌漢王延壽魯靈光殿賦何宏麗之靡靡文選李善註靡靡細也郭璞方言註靡靡細好也漢王褒洞簫賦被淋漓其靡靡文選註靡靡聲之細好也

世說新語張茂先論史漢靡靡可聽 一切經音義

亡匪反疊疊猶微微也 唐司空圖情賦雨絲絲兮霏暗

芳 又陸龜蒙送小雞山樵人序癸晨烟兮蓬縷縷

低低伯伯雙雙瑣瑣瑣瑣交交眇眇眇眇么么么區區嘒嘒庸庸

髦髦嗟嗟咕咕扁扁魏魏稍稍杪杪藐藐剽剽規規曉曉肩肩

翦翦涓涓礫礫耿耿芮芮陞陞微微麼麼恍恍小也

詩小雅低低彼有屋毛傳低低小也說文引詩作伯伯七

紫反石經作雙雙音徒玉篇小也又音此義同 又小

雅瑣瑣烟亞毛傳瑣瑣小貌瑣或作瑣漢張衡東京賦既

瑣瑣焉文選註瑣瑣小也案經典釋文瑣瑣素火反小也

或作璫非璫音早

又秦風交交黃鳥毛傳交交小貌

書顧命王再拜興答曰眇眇予末小子孔傳言微微我漢

末小子太平經堅載蟠紗紗王涯註紗與眇同小宋本紗

作𠄎音幽云𠄎微貌

元包經復云云𠄎𠄎雷啟龍旋云

伊堯切說文小也

左傳襄十七年宋國區區而有詛有

祝釋文區區小貌漢書楚元王傳豈爲區區之禮哉師古

註區區謂小也

晉語嘽嘽之德不足就也嘽嘽之食不

足狃也註嘽嘽猶小小也

漢書梅福傳毋若火始庸庸

註庸庸微小貌唐元宗妃江采蘋樓東賦嫉色庸庸如氣

沖沖

又鮑宣傳願賜數刻之間極竭羣羣之思師古註

翬翬猶蒙蒙也方言註翬翬小好貌音沐唐柳宗元龍城  
錄台人既辭去舟回如歸但覺風翬翬而過駢雅翬翬微  
薄也易賁束帛莢莢集韻莢莢淺小之貌莢將先切音  
莢又宗親切音津劉孟陽碑銘有父子然後有君臣理財  
正辭束帛莢莢唐書王叔文傳咕咕小人咕他叶切音  
帖正韻小貌太平經達小達大迷扁扁不救註扁必沔  
切司馬光曰扁扁狹小貌方言魏細也自關而西凡細  
而有容謂之魏郭註魏魏小成貌周禮地官小宰凡王  
之稍事鄭註云稍事有小事而飲酒重言之則曰稍稍說  
文鄆國甸大夫稍稍所食邑也廣雅稍稍小也各本譌作

梢梢非源昭武王述志賦杪杪余躬杪彌沼切音貌方  
言杪小也木細枝謂之杪晉郭璞元帝哀策文藐藐孤  
冲廣雅藐小也漢王褒移金馬碧雞文剽剽碧雞處南  
之荒爾雅釋樂疏剽小也莊子庚桑楚今女又言而信  
之若規規然若喪父母揭竿而求諸海也釋文規規細小  
貌荀子非十二子篇藐藐然楊倞註藐與規同藐藐小見  
之貌方言嬰細也秦晉之間凡細而有容謂之嬰注嬰嬰  
小成貌又德充符其脰肩肩釋文肩肩胡田反又胡恩  
反李云羸小貌又在宥篇弱弱註或云狹小之貌唐柳  
宗元宋清傳彼之爲利不亦弱弱乎孔子家語金人銘

涓涓不壅終爲江河說文涓小流也

唐萬齊融三日綠

潭篇金沙礫礫窺魚泳說文礫小石也

楚辭劉向九歎

進雄鳩之耿耿王逸註耿耿小節貌

說文芮芮草生貌

讀若納徐曰芮芮細兒若言蚊蚋也汝歲反本草註石龍

芮生于石上其葉芮芮短小故名案潘岳西征賦藁芮于

城隅者又百不處一註芮小貌

晉潘岳馬汧督誅陜陘

窮城

又傳咸由懷賦微微小子又陸機感時賦魚微微

以求偶獸岳岳而相攢

一切經音義厖厖莫可反三倉

云厖微也亦細小也謂微細蟲也

說文佻小貌春秋國

語曰佻飯不及一食是佻佻然小也骨庚反

種種董促促婢婢凡凡姁姁翦髮及子子子短也

左傳昭三年余髮如此種種杜註種種短也種或作董

經音辨董董短也左傳余髮董董今本作種種晉陸機

豫章行促促薄暮景文選劉良註促促短貌說文婢婢

短人立婢之貌婢傍下切音毗又鳥之短羽凡凡然慵

朱切音及韻會凡有鈎挑者爲几案之几不鈎挑者爲父鳥

短羽也篇海類編姁姁短貌渠勿切音屈莊子在宥

篇翦翦註李云短淺貌朱范成大寒亭詩早穗已垂垂晚

苗猶翦翦唐元稹山頭鹿樂府角及及尾促促貧兒多

租輸不足案說文芟刈草也味元詩意芟芟促促俱當作



短小解

廣雅子子短也一日無右臂

又子子短也一

日無左臂

莖莖

屢

些些落落靡靡菁菁稀少也

漢書地理志豫章出黃金然莖莖註莖莖少也讀曰僅史

記貨殖列傳作屢屢

舊唐書楊嗣復傳近日事亦漸好

未免些些不公屬韻些寫耶切少也

晉陸機歎逝賦親

落落而日稀友靡靡而愈索文選李善註落落稀貌靡靡

盡貌張銑註靡靡少貌詩唐風其葉菁菁鄭箋菁菁稀少

之貌

天祿閣外史魯王大酺賓客客曰有數仞之木其

葉扶疎油然而陰不知蟲生其下以枯葉綢繆而爲巢附

絲於枝上潛飲朝露旬日之間其葉稀稀向也扶疎而今則無完葉矣

盪盪

宕

閶閶寥寥荒荒皓皓廓廓

韓韓  
聊聊

阢阢囁囁窸窸坎坎

空也

漢書郊祀志求之盪盪如繫風捕影終不可得師古註盪

盪空曠之貌盪音蕩與蕩同亦作宕魏曹植吁嗟篇宕宕

當何依

漢書揚雄傳閶閶其寥廓師古註閶音浪閶

閶空虛貌

晉潘岳寡婦賦仰神宇之寥寥文選劉良註

寥寥空也呂氏春秋情欲篇九竅寥寥高誘註極三關之

欲以病其身故九竅皆寥寥然虛

唐杜甫漫成詩野日

荒荒白

天戴禮衛將軍文子篇常以皓皓是以眉壽註

皓皓虛曠貌鹽鐵論西域篇皓皓乎若無網羅而漁江海

唐書李密傳天下廓廓無事矣說文廓空也苦郭切與

轉通說文作聊去毛皮也管子白心篇轉乎其圓也轉轉

乎莫得其門唐樊宗師終守居園池碑聊聊千幅聊集韻

音忽郭切玉篇驚視也案轉轉聊聊猶言廓廓也通雅引

管子作轉轉誤爾雅釋詁阮阮虛也註阮阮謂阮壘也

疏阮阮者坎陷之虛也玉篇口嘲嘲也虛加切集韻與

衍同谷中大空貌集韻空空貌胡貢切音哄天字

經窮囊無慘其腹坎坎王涯註坎坎然空乏

冥冥

冥冥

冥冥

冥冥

冥冥

冥冥

冥冥

冥冥

夢夢

夢夢

夢夢

夢夢

夢夢

夢夢

夢夢

夢夢

曖曖

曖曖

曖曖

曖曖

曖曖

曖曖

曖曖

曖曖

闇黯黯黯

詩小雅維塵冥冥朱傳冥冥昏晦也史記蘇秦傳景揜於

眾人之言而以冥冥決事哉廣雅冥冥暗也或通作冥曆

歐陽詹明水賦阻溟溟之永夜又邾風暘暘其陰爾雅

釋天陰而風曰暘說文引詩作壇壇其陰云天陰曆也暘

壇並於計切書秦誓昧昧我思之史記屈原傳日昧昧

其將莫廣雅昧昧暗也古文尚書作暱暱又通作媒梅禮

玉藻視容瞿瞿梅梅疏梅梅猶微微謂微昧也陳澧註梅  
梅猶昧昧楊慎方以智俱云音昧莊子知北遊媒媒晦晦  
無心而不可與謀釋文媒音妹李云媒媒晦貌又肱篋故  
天下每每大亂釋文引李註每每猶昏昏也集韻每謨杯  
切音枚正字通古尙書昧昧與梅梅媒媒每每通聲古人  
以聲狀義類如此 漢班彪北征賦日曖曖其將暮廣雅  
曖曖暗也 楚辭宋玉九辨願浩日之顯行兮雲蒙蒙而  
蔽之漢杜篤首陽賦卉木蒙蒙廣雅蒙蒙暗也與蒙通爾  
雅釋天天氣降地不應曰蒙註言蒙暗疏書洪範曰蒙註  
蒙聲近蒙蒙闇也今洪範作曰蒙元包經屯雲蒙蒙闇

𠄎𠄎同幽

宋晁補之求志賦冬朦朦其將雨

詩小雅

視天夢夢朱傳夢夢不明也通作瞢周禮春官六曰瞢註  
日月瞢瞢無光也亦作瞢梁江淹貽袁常侍詩瞢瞢雲外  
山瞢同悢悢悢無知貌案集韻夢瞢瞢悢俱有謨中彌登  
二切 孟子今以其昏昏使人昭昭唐歐陽詹送王式東  
遊序僭僭貿貿乎泥滓集韻僭音昏闇也管子四時論五  
漫漫六惛惛孰知之哉房註漫漫曠遠貌惛惛微暗貌五  
謂每時之政其理曠遠六謂陰陽四時其理微暗案僭惛  
並與昏同義 又四稱篇政令不善墨墨若夜註言其昏  
闇之甚也新序雜事篇晉平公閒居師曠侍坐平公曰甚

矣子之墨墨也師曠曰天下有五墨墨臣之墨墨小墨墨  
耳采何夢桂虎圖行陰崖幽幽雲墨墨 漢張衡思子賦  
日杳杳而西匿王逸九思衆穢盛兮杳杳 玉篇今謂物  
將敗時顏色黯黯也魏王粲登樓賦天慘慘而無色文選  
李善註通俗文暗色曰黯慘與黯古字通 左傳僖五年  
天策焯焯杜註天策傳說星時近日星微焯焯無光耀也  
禮檀弓貿貿然來鄭註貿貿目不明之貌高誘註呂覽  
引作膏膏然來唐韓愈猗蘭操雪霜貿貿薺麥之茂貿莫  
候切音茂與瞽同梁何遜七召瞽瞍填乎溝壑 易林威  
之大過眈眈寐寐公懷大憂說文寐之言迷也不明之意

晏子春秋星之昭昭不如月之曖曖離騷時曖曖其將

罷王逸註曖曖昏昧貌 太平經書測曰膏膏之離中變

夢也夢音愛爾雅釋言夢隱也元顧瑛碧梧翠竹堂詩膏

堂梧與竹翠翠排空青素暖夢夢三字並烏代切音愛義

亦通 晉左思吳都賦萬物蠢生芒芒黠黠文選李善註

杜篤論都賦曰蠢生萬類黠黠不明李周翰註芒芒黠黠

氣不明貌也黠許既切 晉陸機歎逝賦何視天之茫茫

文選呂向註茫茫不明也李善作芒芒曰芒芒猶夢夢也

易緯是類謀望之莫莫視之盲盲 漢司馬相如長門

賦望中庭之藹藹文選李善註藹藹月光微闇之貌 漢



班固幽通賦心矇矇猶未察詩疏矇者言其矇矇然無所

見故知有眸子而無見曰矇晉陸機文賦理翳翳而愈

伏文選呂延濟註翳翳暗貌楚辭王逸九思時眇眇兮

旦旦註日月始出光明未盛為眇一作眇楚辭天問明

明闇闇惟時何為闇烏紺切音暗晉陶潛祭程氏妹文

黯黯高雲說文黯深黑也乙減切唐杜甫梅雨詩黯黯

長江去說文黯青黑也於檻切一切經音義黯黯烏感反

黤黤不明也集韻黤黤月不明虎孔切音噴

榛榛蕪蕪莽莽荒荒穢也

漢書揚雄傳枳棘之榛榛兮狻猊擬而不敢下註榛榛梗

穢貌

南齊謝朓遊後園賦上蕪蕪兮蔭景

左傳暴骨

如莽註草之生於曠野莽莽然故曰草莽

唐李商隱祭

楊郎中文荒荒宿莽

汶汶莫莫拂拂塵塵良良垢垢也

楚辭漁父安能以身之察察受物之汶汶者乎王逸註汶

汶蒙垢塵也洪興祖補註汶音門一音民

漢書揚雄傳

莫莫紛紛山谷爲之風森林叢爲之生塵師古註莫莫塵

埃貌楚辭王逸九思塵莫莫兮未晞註莫莫合也

楚辭

劉向九歎飄風蓬龍埃拂拂兮王逸註拂拂塵埃貌一作

淖洪興祖補註拂音佛塵起也淖音同

又王褒九懷寵

土忽兮塵塵王逸註風俗塵濁不可居也塵一作梅洪興  
祖補註塵音梅塵也石鼓文趨趨襲襲楊慎音釋襲大  
來切今作泉煙塵也